

# Willem Vermandere, Geestelijk Minneliedje

Zuster Marie van &#039;t goddelijk herte  
in &#039;t kloosterke verre van &#039;t werelds gewoel  
las heur gebedjes en heur paternoster  
en zong in de messe met vele gevoel

Ze was nu heel oud, oud en versleten  
z&#039;has al zovele, zovele deurstaan  
maar heur gelove was zuiver gebleven  
z&#039;had altijd recht in heur schoenen gestaan

Drie keren was ze van &#039;n trap gevallen  
en in de bekoring wel duizenden keren  
maar wonderwel wist ze heur &#039;t herpakken  
je ziet da&#039;j&#039; nooit &#039;t oud zijt om bie te leren

Je lacht gijder meisjes met zuster masseurtje  
zonder te weten hoe goed dat &#039;t daar is  
peis nog maar goed alleer da&#039;j&#039; gaat trouwen  
want leventj&#039;in &#039;t klooster en is nie zo mis

Ja &#039;t mag wel gezeid zijn, of liever gezongen  
want zingen en muziek en kan toch geen kwaad  
zo&#039;n leventj&#039;in &#039;t klooster dat is den hemel  
den hemel op eerde, ja &#039;k zie da&#039;j&#039; &#039;t verstaat

&#039;t Snuchtens te vijven uit junder bedde  
dat &#039;n is nie lastig, je zijt toch nooit moe  
van wat zou j&#039; moe zijn, van &#039;t lezen en te peizen  
en van een sermoentje af en toe

Nooit gene vent om uw dagen te verzeuren  
en kinders, wel, wel die zijn d&#039;r al genoeg  
ons here en hadde ook kind noch kraaie  
en hadde zo al miserie genoeg

En nu is &#039;t an junder, begint maar te peizen  
eer dat &#039;t te laat is, want nu is &#039;t nog tijd  
of je vaart nog lijk zuster masseurtje  
want je kan niet geloven hoe dat het haar spijt.